

350 **Er** dâhte: »sol ich strîten sehen  
 unt sol des niht von mir geschehen,  
 sô ist al mîn prîs verloschen gar.  
 kum aber ich durch strîten dar  
 5 unt wirde ich dâ geletzet,  
 mit wârheit ist entsetzet  
 al mîn werltlicher prîs.  
 ine tuon es niht decheinen gewîs,  
 ich sol ê leisten mînen kampf.«  
 10 sîn nôt sich in ein ander klampf.  
 gegen sînes kampfes verte  
 was ze belîben al ze herte;  
 ern moht ôt dô niht vûr gevarn.  
 er sprach: »nû müeze got bewarn  
 15 die kraft an mîner manheit.«  
 Gawan gein Bearosche reit.  
 burg unt stat sô vor im lac,  
 daz niemen bezzers hûses pflac.  
 ouch gleste gein im schône  
 20 aller ander bûrge eine krône  
 mit *tûrnen* wol gezieret.  
 nû was geloschieret  
 dem her dar vûr ûf den plân.  
 dô marhte mîn hêr Gawan  
 25 manegen rinc wol gehêret.  
 dâ was hôchvart gemêret;  
 wunderlicher baniere  
 kôs er dâ manege schiere  
 unt maneger slahte vremden bovel.  
 30 der zwîvel was sînes herzen hovel,

pr. erloschen (verlöschet V) gar. \*G \*T  
 unde würdich dâ g., \*T  
 mîn (mit T) w. \*T  
 unde (om. I O) almin werdeclicher pr. \*T (I O)  
 ich entuon ez (Jch entvns L in tuon sîn \*T [G]) n. neheine (deheinen O [Z]) wîs, \*G (\*T)  
 ê om. \*T (nur T)  
 sîner \*G (nur GOL)  
 ze om. \*G \*T  
 m. ouch dâ (möhte eht do V) n. \*G (\*T)

nû was dem her gelotschieret \*T  
 dem her om. \*T  
 dâ (daz I nû \*T [nur T]) sach mîn hêr G. \*G (V) (\*T)

vremde \*T

---

\*D: D \*m: m \*G: G I O L Z \*T: T (ohne 350.12) V

---

**1** Initiale D I L Z · Majuskel T   **17** Initiale I V · Majuskel T   **29** Initiale G

---

**1** strîten] strîte \*m   **4** durch] von \*m   **8** decheinen gewîs] dekeine wîs \*m   **12** ze] om. \*m   **18** daz niemen bezzers hûses pflac, \*m   **19** ouch] wanne dâ \*m   **21** tûrnen] trvren D  
**23** vûr] fûr D   **29** vremden] vrömede (framede m) \*m